

ԳՐԱԽՈՍՈՒԹՅՈՒՆ ԵՎ ՔՆՆԱԴԱՏՈՒԹՅՈՒՆ

ՆՈՐ ԱՇԽԱՏՈՒԹՅՈՒՆՆԵՐ ՍՈՎԵՏԱՀԱՅ ԱԿԱՆԱՎՈՐ ԳՐՈՂՆԵՐԻ ՄԱՍԻՆ

Ե. Դեմիրճյանը և Ստ. Զորյանը մեր ժամանակաշրջանի նշանավոր արձակագիրներից են: Որպես սովետահայ արձակի ականավոր վարպետներ, նրանք հայ գրականության պատմության մեջ խոշոր ու անգնահատելի գեր ունեն: Դրենց ստեղծած մի շարք բարձրարժեք գեղարվեստական երկերով նրանք հարստացրել են մեր գրականությունը սովետական շրջանում, դառնալով նրա առաջատար դեմքերը: Դ. Դեմիրճյանի և Ստ. Զորյանի ստեղծագործությունների ուսումնասիրությունը չափազանց կարևոր է սովետահայ գրականության գիտական պատմության ստեղծման գործում: Այս տեսակետից գրական պետք է գնահատել Հայկական ՍՍՌ ԳԱ Գրականության ինստիտուտի կողմից հրատարակված Հր. Մուրադյանի «Դ. Դեմիրճյան» և Ս. Աղաբաբյանի «Ս. Զորյան» աշխատությունները:

Սովետահայ մեծատաղանդ գրող Դեմիրճյանի մասին գրված են մեծ թվով գրականագիտական աշխատություններ, գրախոսություններ, հոդվածներ, առանձին ծավալուն ուսումնասիրություններ: Նրա գրեթե բոլոր ստեղծագործությունները, սկսած նախառեկուզիոն ընթերցանի առաջին պատմվածքներից («Իդեալիստը», «Զուլալն ու սրինգը») մինչև վերջին շրջանի գործերը դարձել են քննադատության ու գրականագիտության բանավեճերի առարկա:

Դեմիրճյանի ստեղծագործության վերաբերյալ եղած հարուստ գրականությունը եկավ ավելացնելու, ահա Հրայր Մուրադյանի «Դեմիրճյանի աշխատությունը: Այդ գործը մի արժեքավոր ուսումնասիրություն է, որտեղ մանրամասն վեր է հանված հեղինակի ավելի քան 60-ամյա գրական-ստեղծագործական կյանքի բեղմնավոր աշխատանքը, հանգամանորեն վերլուծության են ենթարկված նրա գրեթե բոլոր գեղարվեստական գործերը: Դեմիրճյանը բազմաժանր գրող է. նա զբաղվել է գրական համարյա բոլոր ժանրերով՝ պոեզիա, արձակ, դրամատուրգիա, հրապարակախոսություն: Այդ ժանրերում ևս հեղինակը բազմազան է, հարուստ և որոնող: Պոեզիայի բնագավառում նա ստեղծել է լիրիկական բանաստեղծություն, պոեմ, քառյակ, առակ և այլն: Արձակի մեջ՝ պատմվածք, նովել, մեծածավալ վեպ, վիպակ, մանրապատում, ակնարկ, զրույց և այլն: Դրամատուրգիայի բնագավառում նա ստեղծել է կոմեդիա և դրամա:

Գրքում համառոտ ներածականից հետո հեղինակը անցնում է Դեմիրճյանի նախառեկուզիոն շրջանի ստեղծագործությունների քննարկմանը, որոնց իսկական արժեքը իր ժամանակին վեր չի հանված քննադատության կողմից: Ոչ միայն այդ, այլ ընդհանրապես: Այդ շրջանի գործերը դիտելով որպես գրական խորթ ուղղությունների, անկումային տրամադրությունների արձագանքներ, գրականագիտությունը արժեքազրկել է դրանց գաղափարական կողմը, կենսական բովանդակությունը և միայն վերապահությամբ է ընդգծել դրանց գեղարվեստական արժանիքները: Հեղինակը գտնելով վաղ շրջանի այդ գործերի բովանդակության դեմոկրատական ուղուքները, դրանք կապում է քննադատական ռեալիզմի տրագիցիաների հետ ու ցույց տալիս այդ ստեղծագործությունների կենսական առողջ բովանդակությունը:

Դեմիրճյանի վաղ շրջանի ստեղծագործությունների հերոսը, իհարկե, պատմություն կերտող ժողովրդի առաջամարտիկը չէ: Այդ շրջանի նրա պոեզիայի համար մնորոշ էին վշտի և հուսալքության տրամադրությունները: Իրականությունից դժգոհ բանաստեղծը ձգտում էր հասկանալ կյանքում տիրող անարդարության, չարիքի, մարդկային վշտի պատճառները, բայց նրա այդ ձգտումը արտահայտվում էր վերացական, մեծ մասամբ սիմվոլիստական պատկերների միջոցով:

Դեմիրճյանի պոեզիայում առանձնահատուկ տեղ է գրավում «Լենկ-Թևմուր» պատմական պոեմը, որի համար նյութ է ծառայել 14-րդ դարում Հայաստան կատարած արևելյան բռնակալի արշավանքը: Հեղինակը հանգամանալի վերլուծության է ենթարկում պոեմի իր բոլոր

կողմերով և ցույց տալիս, որ պոեմի հիմնական նյութը ժողովրդի անմահության գաղափարն է։ Քրքան էլ բռնակալները անհաղթ ու դաժան լինեն՝ կվերանան իսպառ, իսկ ժողովուրդը կապրի։ Կշնջի նրանց ավերածության հետքերը և կրկին կվերականգնի ընդհատված կյանքը։

Անցնելով Դեմիրճյանի վաղ շրջանի պատմվածքների քննությանը, գրքի հեղինակը ցույց է տալիս, որ անվանի արվեստագետը իր հերոսների անուրախ կյանքը փոխելու միջոցներ չի առաջարկում։ սահայն պատկերելով գավառական հետամնաց քաղաքի, գյուղի ու մարդկանց կյանքի գորշությունը, ցույց տալով նրանց զգացմունքների ու երազանքների անսահմանափակությունը, նա օբյեկտիվորեն դատապարտում է մեղավորներին, կյանքի զոհերի պաշտպանության դիրքերից խփում է կյանքի տերերին։

Այնուհետև քննության առնելով Դեմիրճյանի՝ առաջին համաշխարհային պատերազմի շրջանում գրված պատմվածքները, հեղինակը մանրամասն վերլուծության է ենթարկում դրանք։ Այդ շրջանում գրված պատմվածքներից գրքում մանրամասն վերլուծության են ենթարկված «Միայն մեկը», «Ավելորդը», «Ստամբուլը», «Տերտերը» և այլ հանրածանոթ գործեր։ Հեղինակը ճիշտ է վարվել, հատուկ ուշադրություն դարձնելով վերոհիշյալ գործերի վրա, որովհետև այդ պատմվածքներում Դեմիրճյանն արծարծում է ժամանակի համար շատ բնորոշ և գաղափարական ու սոցիալական մեծ նշանակություն ունեցող հարցեր։

Քոթափելով իր բանաստեղծություններին հատուկ հոռետեսական, անկուսակալ տրամադրությունները, այստեղ արդեն արձակի մեջ Դեմիրճյանը դրսևորում է մարդկային փոխհարաբերությունների ու հոգեբանության նուրբ իմացություն։ Այդ ժամանակաշրջանում գրված նրա ստեղծագործությունների ուղին դա ռեալիզմին հակվելու և աշխատավոր ժողովրդին ավելի մերձենալու ուղին էր։ Նրա ստեղծագործության մեջ երևան եկան ժողովրդի ու հայրենիքի թեմաները և նոր ուժով արտահայտեցին սերը դեպի մարդը, Դեմիրճյանը այս մանր պատմվածքներում կարողացել է հասնել առօրյա երեւոյթների գեղարվեստական մեծ ընդհանրացման։

Խոսելով 20-ական թվականների 2-րդ կեսին վերաբերող ստեղծագործությունների մասին, աշխատության հեղինակը մանրամասն ցույց է տալիս, որ եթե սովետական առաջին տարիներին Դեմիրճյանը թեմատիկայի ասպարեզում դեռևս չէր ազատագրվել անցյալի վերապրուկներից, ապա այդ ժամանակ նա վճռական բեկում կատարեց դեպի սովետական թեմատիկան։ Նրան ռզնչում է նոր մարդը, անցյալում ճնշված և արհամարհված աշխատավորը, որն սկսել էր բարձրանալ նոր կյանքի իմաստը, հասկանալ կյանքի տեղաշարժերը, ձգտելով նոր իրավակարգում գրավել այն տեղն ու դերը, որպիսին պատմությունը հատկացրել էր նրան նոր հասարակության մեջ։ Այդ շրջանի նրա ուշագրավ երկերից են «Հանգստի տանը», «Մերկե», «Ութուն» և այլ ստեղծագործություններ։

Աշխատության հեղինակը ճիշտ վերլուծության է ենթարկում նաև Դեմիրճյանի մյուս երկու նշանավոր գործերը՝ «Ռաշիդ» և «Նիդյար» վիպակները, որոնց հերոսները նորմարդիկ են։ Նրանք ոչ թե հին կյանքի, հին սկզբունքների հետ համակերպվողներ են, այլ այդ կյանքը վերափոխողներ, սոցիալիստական ռևոլյուցիայի առաջամարտիկներ։

Անցնելով Դեմիրճյանի սովետական շրջանի դրամատիկական երկերին, Հր. Մուրադյանը վերլուծության է ենթարկում դրանք, բացահայտելով այդ գործերի թերություններն ու առավելությունները։ Հեղինակը կանգ է առնում հատկապես «Փաշ Նազար», «Նրկիր հայրենի», «Կապուտուն» և այլ գործերի վրա։ Նշելով իր հայրենի երկրի ոչ հեռավոր անցյալի կոնկրետ իրողությունները, հեղինակը ցույց է տալիս, որ Դեմիրճյանը «Փաշ Նազար» կատակերգության մեջ լայն կտավի վրա լուսարանում է դասակարգային հասարակության մեջ ժողովրդի և պետության փոխհարաբերության հարցն ընդհանրապես, կատարելով փիլիսոփայական և քաղաքական մեծ ընդհանրացումներ։

Աշխատության նախավերջին գլուխը նվիրված է Հայրենական պատերազմի շրջանում գրված գործերին, դրանց մեջ և «Վարդանանք» պատմավեպին։ Այստեղ Մուրադյանը ճիշտ վերլուծության է ենթարկում «Վարդանանք»-ը, ցույց տալով, որ Հայրենական պատերազմի ժամանակաշրջանում սերը Հայրենիքի նկատմամբ դարձավ մեր գրականության լեյտմոտիվը։ Հեղինակը գտնում է, որ «Վարդանանք» պատմավեպում արտահայտված Դեմիրճյանի պատմափիլիսոփայությունը հանգում է այն բանին, որ շինարար և պայքարունակ ժողովուրդը ապրող ժողովուրդ է, և որ վեպի հերոսը հանդիսացող այդ ժողովուրդը ակտիվ և գիտակից այն ուժն է, որ պատմություն է կերտում։

Աշխատության վերջին գլուխը նվիրված է հետպատերազմյան շրջանի այն ակոտույթ թեմաներին, որոնց անդրադարձել է Դեմիրճյանը։

Հր. Մուրադյանի աշխատությունը զրված է ջանասեր գրականագետի գրչով։ Դիրքը

յազգրված է հստակ ու հարուստ լեզվով, պատկերավոր ու պրավիչ ոճով: Սգտվելով առիթից, անհրաժեշտ ենք համարում նշելու գրքի հետևյալ թերությունները: Հր. Մուրադյանը շատ քիչ է խոսում Դեմիրճյանի արվեստի առանձնահատկությունների մասին և խոսելիս էլ քավարարվում է կցկտուր բնութագրումներով: Արժանի ուշադրություն չի դարձվել Դեմիրճյանի ստեղծագործությունների գեղարվեստական առանձնահատկությունների վրա:

Ներկա մենագրությունը, որպես գրականագիտական հաջող ուսումնասիրություն մեր սրբ-րի մեծագույն ստեղծագործողներից մեկի մասին, արժանի է դրական գնահատականի:

* * *

Սովետահայ գրականության մյուս ականավոր վարպետի ստեղծագործության ուսումնասի-րությանն է նվիրված Ս. Աղաբաբյանի «Մտեփան Ջորյան» մենագրությունը: Հեղինակը այս աշխատության մեջ Մտ. Ջորյանի ստեղծագործությունը քննարկում է մեր կյանքի զարգացման տարբեր ժամանակաշրջանների հետ ունեցած կապի տեսանկյունից, բոլոր դեպքերում էլ տալով իմանականում ճիշտ մեկնաբանություն: Հենվելով Ջորյանի գրական ժառանգության վրա, նա ցույց է տալիս, որ գրողը անցել է երկար ու բովանդակալի ուղի: Հաղթահարելով ստեղծագործա-կան ճանապարհի խոչընդոտներն ու արգելքները, նա կարողացել է ստեղծել գրական մեծ ու արժեքավոր ժառանգություն:

Անդրադառնալով Ջորյանի ստեղծագործական բեղմնավոր ուղուն և գրական գործունեու-թյան բազմամյա պատմությանը, հեղինակը նրա արվեստն անխզելիորեն կապում է այս աշ-խատավոր ժողովրդի հետ, նրան համարելով հասարակ մարդկանց իղձերի ու ձգտումների ար-տահայտիչը, ցույց տալով, որ նա իր ստեղծագործությամբ կանգնած է եղել հայ կլասիկ գրա-կանության ռեալիստական տրագիկիանների պաշտպանության դիրքերում և հանդիսացել է այդ պայմանության հետևորդներից ու զարգացնողներից մեկը:

Համառոտ ներածականից ու կենսագրական տեղեկություններից հետո, մենագրության հե-ղինակը կանգ է առնում նրա նախառելյուծի շրջանի ստեղծագործությունների վրա: Այդ շրջանի գործերի արժեքը ժամանակին վեր չի հանված քննադատության կողմից: Նախասովե-տական շրջանի երկերը քննարկելիս, գրքի հեղինակը գտնում է, որ այդ գործերի գլխավոր ուղղու-թյունն ու տենդենցը ոչ միայն ժամանակի, իրականության վրա գրողի քննադատական հայաց-քրն է, բուրժուական միջավայրի մերկացումը, աշխատավոր ժողովրդի տառապանքի ու տան-ջանքի երևան հանումը, այլև «Խավարի թագավորության» դեմ աշխատավոր մարդու ըմբոս-տացումը, նրա արդարացի բողոքը սոցիալական կյանքի հիմքերի դեմ, ազնիվ ձգտումն ու իղ-ձերը՝ շահագործման ճիրաններից մարդու ազատագրման համար («Տխուր մարդիկ»): Հակա-դրվելով այն գրականագետներին, ովքեր արժեքազրկել են Ջորյանի ստեղծագործության գա-ղափարական կողմը, համարելով նրան սոսկ լուսանկարիչ, արձանագրող, պասսիվ, Աղաբա-բյանը ընդգծում է նրա արվեստի խորապես ակտիվ բնույթը: Մանրամասն քննության ենթար-կելով գրողի՝ իմպերիալիստական պատերազմի թեմայով գրված պատմվածքները, նա կանգ է տնում հատկապես «Պատերազմ» և «Ջրհորի մոտ» հանրածանոթ գործերի վրա, գործեր, որոնք արժարժում են ժամանակի համար շատ բնորոշ և սոցիալական ու գաղափարական մեծ նշա-նակություն ունեցող հարցեր:

Անցնելով Ջորյանի սովետական շրջանի ստեղծագործությունների անալիզին, մենագրու-թյան հեղինակը ցույց է տալիս, որ նոր թեմատիկան, պատմական նոր ժամանակաշրջանի պատ-կերումը Հակա փոփոխություններ մտցրին նրա ստեղծագործական մեթոդի մեջ: Այդ շրջանի ստեղծագործության բնորոշ առանձնահատկությունն են կազմում նոր մարդու կերպարի ստեղ-ծումը, ժողովրդական մասսաների դերի ճիշտ գնահատումը: Նա նշում է, որ գրողը առաջինն էր սովետահայ գրականության մեջ, որ հիմք դրեց նոր հերոսի նկարագրության տրագիկիային («Իրադարանի աղջիկը», «Հեղկոմի նախագահը» և այլն): Սրանց հերոսները ոչ թե հին կյանքի, թե սկզբունքների հետ համակերպվողներ են, այլ այդ կյանքը վերափոխողներ, նոր կյանքի առաջամարտիկներ: Նրանք ոչ թե «տխուր մարդկանց» նման խավարում խարխափող ու տանջ-վող արարածներ են, այլ հինը կործանող, պայքարի վճռականությամբ ու հերոսականությամբ լցված մարտիկներ: Այդ գործերում խորը վերլուծության են ենթարկված գործողությունների պարզացման, կերպարների տիպական հանգամանքների ստեղծման գրողի վարպետությունը:

Պետք է նշել, որ քննարկվող աշխատության ոչ բոլոր գլուխներն են հավասարազոր: Սրի-նակ, գրքի վերջին մասում նկատվում է շտապողականության կնիքը: Խորը և բազմակողմա-նի քննարկման չի ենթարկված «Պատի թագավոր» պատմվածքը: Համարյա ոչ մի խոսք չի առ-

ված Զորյանի հեքիաթների մասին, որոնք ոչ միայն լայն ժողովրդականություն են վայելում, այլև ունեն դաստիարակչական և ճանաչողական խոշոր նշանակություն:

Ամփոփելով մեր խոսքը, պետք է ասենք, որ Ս. Աղաբաբյանի «Ստեփան Զորյան» մենագրությունը հաջողված ուսումնասիրություն է, ուր փաստերի վրա հիմնված ընդհանրացումներն ու հզորակացությունները ճիշտ են բնորոշում գրողի տեղն ու դերը մեր գրականության պատմության մեջ:

Մենագրության հեղինակը կանգ է առել գրողի ստեղծագործությունների՝ նախկինում եղած դնահատականների ու կարծիքների վրա և նրանց հակադրել իր մեկնաբանություններն ու մրտրերը, որոնք հիմնականում ճիշտ են: Ներկա ուսումնասիրությունը մեծապես կօգնի մեր ընթերցաւեր հասարակությանը հասկանալու և յուրացնելու սովետահայ արձակի ականավոր ներկայացուցիչներից մեկի՝ խոսքի վարպետ Ստեփան Զորյանի մեծ ու անգնահատելի ժառանգությունը:

Լ. ԱՄԱՏՈՒՆԻ